



978491

州

葵

園

葵

光緒己卯春鑄



序

先生姓張氏諱賡謨號菴園學淵博能

文章詩尤有名

國朝吉  
書館藏

與吾師勗園塲其居距予十餘里相望一湖憶予少壯時就學於吾師之研京堂先生時以事至縱至則必與吾師見或一二日或三數日先生貧吾師亦貧間嘗典衣沽酒相與深宵剪燭酒酣耳熱論及漢魏六朝以及唐宋元明之詩品格律風味氣魄神韻聲調兩人所言多脗合予心儀之竊以未能常見先生爲恨咸豐癸丑歲予避亂於連城山中得以日相往還因得讀其全集

卷一 序

如入五都之市錯陳珠玉璆琳光彩奪目美不勝收用是以爲快慰爾時先生又以時事多艱憤惋悲哀無以發洩做香山樂府體卽耳目之所聞見者託吟詠寫憂思其集畧曰焦桐蓋借中郎爨桐事寓言桐城焦土也每篇成出以示予予亦以近作質正先生間爲商改一字鐵卽成金嗣是予有江浙之遊與先生潤別者忽忽又五年而先生已歸道山矣老成凋謝不禁潛然者久之今予自黟縣解組歸其哲嗣慶符亦自北直游幕歸以先生是集問序於予予不能已於言也是爲序

同治十年歲次辛未仲春穀旦樅川待園江有蘭謹撰

卷一

序

二



茶園詩草評語

家問亭夫子

義本風騷體兼唐宋善寫難描之景能據獨得之情具如許才華自應超出流輩再加功力何難突過古人

牛毓山太守

大著純是一片真性情自肺腑流出北門慟花萼恨逍遙游十餘篇真有關世道之作至緣情體物冲雅高華尙其餘事本擬佛頭着糞匆冗未能如願後會有期重與細論文也

光栗園方伯

君家問花問亭兩集服膺久矣茲讀大著真才妍旨遠吐屬移人正所謂三河少年風流自賞者於問亭不愧爲仲容於問花不愧爲處仲於以嘆都官之緒彌遠彌振也妄意加墨用誌心傾

李渭南明府

士無傲骨方爲賤室有奇書不算貧十四字五年前已傳播長安矣味其詩想見偃蹇不諧於俗之態今夕何夕樽酒論文是乃牢籠百家不拘一格直抒胸臆自寫

情性者豈抹粉塗脂悅取時人觀聽也耶

家勗園明府

豪邁中自具性情婉麗中不掩風骨取法應在劉方城  
杜紫薇韋孟諸公以此提倡騷壇洵足嗣響正聲追踪  
大雅

馬小眉別駕

天才豪邁秀鬱靈襟時無問花君當獨秀  
家小石上舍

捧讀大箸華而不縟清而不枯格律穩成絕無塵俗氣

卷一

一瓣心香能不爲涪翁下拜耶

許農生丈

捧讀大著幾致廢寢忘餐少陵老去漸於詩律細直其  
然乎椿生平所好在此今觀此集宜避三舍復何間然  
不敢加墨奉繳他日壽及梨棗尚乞惠賜也

齊訏謨茂才

海峯不作勗園死落落誰扶大雅輪餘子可憐牙後語  
高歌今見眼中人身強律與年俱老時難詩因境轉新  
更乞瑤章來浣讀可容珠玉委囂塵

丁星船丈

玉壺朗照結冰成丰骨峻嶒澈底清料得高吟風雨夜  
空山應使鬼神驚

一指禪傳大乘俱法輪轉處滴醍醐知君端不忘初祖  
合列江西至客圖

卷一

三

菴園詩草卷一

桐城張賡謨竹淇撰男熾輯訂

孫宅厚校字



受業

姪孫壽六濬

曉波

姪孫式穀

海樓

姪曾孫華  
鑒平

雜詩

治生不求富讀書不求官三復東坡詩廢書而三嘆食  
力飽無愧明理心自安天地育萬物日月跳雙丸生材  
各有用盡所當為難人生有真境莫作六如觀  
月色隱簾櫳荒雞鳴大野羣息為之動熙攘何為者憶

卷一

余一頃田近在南山下荒蕪久不治收穫嘆益寡趁此  
光熹微荷鋤赤兩踝良苗欲懷新非欲富而芻

秋江澄如練長風揚其波皎皎中天月時有片雲過脂  
韋傾骨鯁衆女嫉修蛾生質果堅白任爾之涅磨胡為  
有鬼蜮潛伏水雲渦含沙復射影吁嗟可若何

淵明善讀書畧觀其大意甚解雖不求神已與之會乃  
知章句儒真落三乘義考據即精詳總無關妙諦非如  
陰長生服丹只半劑

天生飲酒口復與持杯手多不能一石少不能五斗少



飲輒云佳意原不在酒陶然有餘歡貧賤吾自有着蜜  
在刀頭余能餽之否

訪山人

策杖訪山人不識山中路谷口白雲多斜倚孤松樹樵  
子從西來長歌招隱句隔雲笑相呼君來亦何暮昨已  
買扁舟移家烟水去

李陽夜泊

潮落水無波維舟采杜若月白滿秋江天外橫孤鶴

月夜懷人

一碧天如水蕭然獨倚欄可憐今夜月曾與故人看砌  
繞蟲聲切松高鶴夢寒經年千里別消息望平安

烟霞樓小集

螢火明池草鍾聲隔岸聞竹疎微露月松老欲穿雲風  
雨懷前哲悲歌悵夕曛少年不再至努力策奇勲

曉行

策蹇勞勞西復東小園回首樹朦朧亂雲寒壓山腰白  
曉日晴蒸海角紅潦倒十年嗟畫虎牢騷千古悔雕蟲  
余生早識青氈誤萬里從戎兩石弓

舟中夜坐

轉側不成寐。濤聲壓枕寒。愁侵雙鬢短。寂對一燈殘。計我逢時拙。依人到處難。推蓬聊倚徙。北斗已闌干。

登大觀亭有懷李涇南明府

高亭屹立勢崔嵬。醜酒長歌亦快哉。萬里江聲悲日夜。一天雨氣壓樓臺。登臨莫展凌雲意。憑弔空思砥柱才。獨有故人期不至。征鴻嘹唳不勝哀。

送人之粵東

迢遞三千里。風波十八灘。此身初作客。遠別不知難。楊

卷一

三

柳梅花曲。蠻烟瘴雨寒。片帆天際望。蒼靄壓闌干。

題溪居

翠竹踈籬自小村。潺潺流水澗苔痕。長堤昨夜瀟瀟雨。一路垂楊綠到門。

湖上漫興

花鳥叢中二十年。江山嘯傲有前緣。縱隣酒國難成佛。不住愁城卽是仙。日落鳥歸雲外路。潮平鷗浴水中天。數聲漁笛滄浪裏。吹出盈盈海月圓。

丁五平階將之廬江夜雨賦贈

無端小別在明朝。綠酒紅燈，悵寂寥。正苦故人留不住。  
山樓忽聽雨瀟瀟。

自贈

湖上青山不放余。春猿秋鶴過居諸。遍栽篁篠緣醫俗。  
豈爲窮愁始著書。禍福漫言翁失馬。濠梁還笑子非魚。  
詩腸別有三分俠。莫認踈狂病未除。

冬夜獨步

露寒沾屐齒。倚徙蹴莓苔。月影隨人住。風聲壓樹來。能  
文都是累。處福亦須才。春信梅花早。應教數點開。

雪中吟 同午亭叔作

瑟瑟銀沙風似弩。山家那有辟寒金。倚欄一片詩腸熱。  
直覺門前雪不深。冷煖何能跡兩忘。此中况味費平章。驚心望裏冰霜滿。  
好與梅花細較量。風響雪聳撲簾來。促擁紅泥煖綠醅。小院梅花三兩樹。  
夜深相對一時開。凝階著樹總多情。漫認春風柳絮輕。悵望鶴歸何處所。  
雪花雲影不分明。

簡文博弟

誰爲南阮誰爲北。一住東頭一住西。生計十年同馬磨。  
郎當五夜共牛衣。前修半是藏蕉鹿。後此終須養木雞。  
想到不如人意處。朝朝只合醉如泥。

赤貧不碍屋如船。白望何妨賦賣錢。作客馮驩彈有鈇。  
索居江革坐無氊。海中鳥尚名時樂。世上蟲偏作可憐。  
君亦早知非病也。花開花落度年年。

蠶鹽科第誤儒生。慷慨長歌無限情。但不聰明宜薄福。  
也多僥倖得名。阿嬌未必藏金屋。毛穎還封在管城。

卷一

五

早晚窮通難逆料。物原難盡得其平。

柴關荒落可張羅。坐擁牙籤側突河。嬾性自知修怨少。  
不才常恨受恩多。夢魂夜覺頻爲蝶。頑傲心偏不願鵝。  
莫怪世人相見笑。總緣持論未規磨。

胸中好自淨荆榛。月旦評來恐未真。窮措大宜居酒國。  
羅兜堅早奉秦人。蠅頭蝸角關何事。鵠眼龍鬚累此身。  
休慮空山人寂寞。等閒猿鳥尙相親。

登太白樓

五色磯邊石。千秋太白樓。青山猶在眼。明月正當頭。塔

影波中見江聲檻外流。余才慚國士也。願識荊州。

隨園

烟水樓臺擁百城。紅燈綠酒擘琵琶。隨園自是修來福。伴得詩人住一生。

蕪湖關曉發

又揭菰蒲趁曉晴。秋風送客太多情。一船剩有琴書在。贏得司關早放行。

荻港

港南港北總相通。烟水蒼茫落照紅。一夜秋風聲瑟瑟。

萬家樓閣雪花中。

種花篇

階前一尺地。青草何茸茸。日復一日懶不剪。遂覺眼前生意鬱葱龍。偶得名花種歸栽。興忽濃。勾者之出萌者。達造化。小兒都無功。攜鋤惆悵對明月。抱甕倚徙立東風。譬如貧兒驟得阿嬌婦。苦無黃金之屋藏於中。松下草不殖。麻直可扶蓬。不如此中暫插脚。將母苔異而岑同。風風雨雨知多少。滋長延緣殊不了。瑤臺一點好根芽。可憐蕪沒在荒草。吁嗟乎。交梨火棗非蓬山。只在人

心方寸間胸中荆棘縱橫滿坐令髮白凋朱顏君不見  
驚驥同轅伯樂悲又不見玉石相揉卞和泣稂莠不除  
穀不熟努力斷宿根母使明年春又綠

秋日簡許花農中表

暮雨暗林阿西風生女蘿秋聲淒若此我意復如何露  
冷庭楸老潮枯岸蓼多美人隔江水離緒付烟波

早行

古寺鐘聲動荒村客夢闌曉霜千樹白殘月一鞭寒

龍山道中逢秀水李大感贈一律

潦倒歸途值暮春  
旗亭杯酒乍相親  
少年羞作逢時技  
老去翻爲落魄人  
白璧明珠空自炫  
桃花流水悵迷津  
不須握手悲岐路  
海內知交若比隣

戴露軒看菊

秋色滿林壑秋聲撼寂寥  
閉門欹枕卧折柬故人招  
風雨看籬菊躡躡過短橋  
杯中知有物塊壘可能消  
修竹綠墮地鵝兒黃在甌  
怡情對叢菊佳色澹宜秋  
顧影與之瘦得其幽趣不東籬  
忘坐久落日上簾鉤

怨恨詞

情極翻成怨情深恨乃深藕絲終不斷宛轉見儂心  
月夜待伯顛不至

獨坐修竹林茶烟裊庭樾葉落疑人來犬吠踈籬月  
早起

侵曉啟柴關淡烟籠樹杪小樓春雨多落花紅未掃  
經舊送別處

惟有青青柳依依映綠波如何今日淚更比昔年多  
喜維祺三弟自涼州歸里有懷仲祺二弟

作客五千里離家十二年壯懷能若此相對轉淒然得

卷一

八

失原關命文章那值錢天涯有仲弟何日着歸鞭

贈麗生弟

籠鶴志凌霄櫪驥思遠道男兒三十不封侯半世功名  
已草草羨君藝苑蜚聲早錦繡爲心珠在抱滄海珊瑚  
網不收鬼亦揶揄笑潦倒秋風蒲柳我先衰醜顏君正  
年華好安心且讀古人書珍重莫失懷中寶

廻騎嶺

一經捫蘿入山家處處幽野花穿石放亂水雜雲流路  
仄不容趾峯回爽豁眸幾忘林壑晚拄杖尙夷猶

戴露軒小集感賦余年十三時與蓉舫篠亭叔肄業此軒

永晝清談久坐忘園林近在水雲鄉  
千尋修竹當牕綠萬卷奇書壓架黃  
風雨一燈猶昨日蕭疎兩鬢各成霜  
不知老大頽唐甚縱話前遊喜欲狂

不雨行

東海老龍懶欲死阿香嬌癡喚不起  
爲雲爲雨總荒唐三日不雨苗稿矣  
向夜雲黑豬渡河月離畢宿歌滂沱  
蟻封礎潤復如此昔何應驗今則訛  
隱隱雷聲天欲暮牛羊爭下前村路  
一點兩點跳如珠風伯橫空忽攔住

思鱗草莽何翔颺風晦曠萬竅號  
村隣跂望話未了白日卓午青天高  
連年淫雨不堪說水爲民患半魚鱉  
點點滴滴聲淒淒盡是農人眼中血  
今春苦雨民頗愁我日爾足江之樓  
到今一滴千金值苗可懷新麥可秋  
穉儒侈口說皇古五日一風十日雨  
帝力於我何有哉水耨火耕殊自苦  
何事陰陽有伏愆太虛冥冥持其權  
唐堯之水湯之旱妙諦別有真難詮  
電母不須叱雷車不用鞭杞人不必  
更憂天把酒問天天不言仰天四顧  
心茫然



題壁

不將踪跡溷風塵  
詩酒蕭然物外身  
兩岸漁家多近水  
幾行沙鳥總親人  
士無傲骨方爲賤  
室有奇書不算貧  
寶劍光芒射牛斗  
夜深吼月太無因

環山樓同方伯俊  
豸卿昆仲夜話寄懷拱璇都門  
茗椀魚經生活計  
最難得者合時宜  
西施嚙笑誰能慣  
南阮清狂不自持  
嗜酒祇緣澆塊壘  
媚人誠恐負鬚眉  
知心遠在三千里  
剪燭裁詩寄所思

雨晴偶步

卷一

十

雨中三日卧柑酒  
不相攜芳草碧生澗  
桃花紅滿蹊村  
牛叱子母梁燕語  
東西九十春將暮  
何嫌屐齒泥

由連城之三賢祠

平湖雨洗淡無塵  
畧約騎驢得得行  
無限好山青不斷  
渾身都是畫中人

又五言一律

豈是游山癖  
猿攀石徑斜  
錦囊詩一卷  
芳草路三叉  
點點雲隨屐  
村村帽礙花  
重來修竹裏  
生恐負金鴉

攔江磯

雜沓石攔江風濤夜夜撞憐儂江上住日照影雙雙  
磯畔泊舟帆郎船在何處只恨攔郎回不攔儂郎去

讀史

河東勇畧羨司徒再造奇功蓋代無不使鷗軍除鼠輩  
依然阿父奉家奴銀撾鐵鎖羞難狀白馬清流禍不虞  
凍殺紇干山上雀誰將歌板召城狐

白玉簪花

芳叢葉染露痕斑花樣搔頭總一般好是玉人新浴後  
一枝斜插綠雲鬢

和胡墨卿龍爪花原韻

願借滄江水一杯根分龍爪灌籬隈深山鱗甲何須露  
滿掌珠丸莫浪開觀海昔從雲裏見看花今自雨中來  
癡情生恐升騰去日向芳叢步幾回

郭瞻吉周召南雨中招飲皖江樓

折柬招何急彤雲黑上頭倚欄看塔影對酒聽漁謳雨  
勢斜遮樹濤聲怒挾舟何期當此日同醉皖江樓

拊戰勢難已醇醪味轉濃兩心秋水白四面蓼花紅遊  
子吟聲苦湘蘭撇法工

郭著遊子吟百首周善畫蘭全爲撫軍幕客

從來蓮

幕客多不負英雄

寄內

小別文牕半載餘，紅箋打點寄山居。  
好收爾甕藏浮蟻，多買芸香辟蠹魚。  
家在成都翻累汝，田無陽羨轉愁余。  
世人儘有干時策，却笑狂奴總不如。

檢閱做篋失手抄前漢書一冊詩以憶之

字寫蠅頭墨蹟新，十年燈火最相親。  
畫厨羽化原堪詫，合浦珠還恐未真。  
座上苦無消酒物，世間儘有愛書人。  
怪來面目羞窺鏡，好枕清流灌俗塵。

卷一

十一

山樓卽景

暫謝塵氛息浪游，禽魚花木爲勾留。  
波隨帆影來秋浦，雲放山光入小樓。  
未必貧窮眞曠達，敢將詩酒傲王侯。  
人生行樂知何限，切莫登臨不奈愁。

夜飲口號卽贈房石岑主人

蕙帶芒鞋墊角巾，三更呼酒對冰輪。  
若教吾輩亦高枕，風月其誰作主人。

春日雜興

簾捲青山擁百城，爐烟香裊午風清。  
雜花着樹紅初破

春草沿堤綠漸生，別種稻梁調野鶴。白攜柑酒聽啼鶯，  
得閒便是人生福。好與忘機白鷺盟，閉門自養樂情娛。  
高聳吟肩不碍癯，日永鶯常當柳坐。風高蝶欲倩花扶，  
半畦綠薤攜鴉嘴。一卷黃庭試鼠鬚，自笑封侯無骨相。  
誤人原不是儒書。

夜泊烏沙峽

微風吹木末，涼月正東生。雁聚沙無跡，魚吹浪有聲。  
澄江千里碧，遠火一星明。兀坐危檣下，三更夢未成。

花燭詞

韞岩叔應鄉試聘金陵陳氏女  
爲繼室詩以索和依韻酬之

卷一

十三

爲折蟾宮第一枝，秋風恰值渡河時。天孫回首應相羨，  
輸卻人間不別離。

眉案今番白首齊，畫堂簫管鬧青溪。風詩戒旦分明在，  
分付清宵莫浪啼。

舟過天門山却寄池陽施大梓誥

溈湧雙峯立，風聲萬馬來。檣帆烟雨裏，巒嶂畫圖開。  
黛濕眉初寫，橈停首重回。秋江頻致語，好寄一枝梅。

過紫沙洲

菰蒲十幅挂中流，萬樹垂楊萬樹秋。不是曾經江上路，

翻疑村郭近揚州

紀事

寶釵金雀縮香雲五色霞團六幅裙楊柳丰神何旖旎  
梅花格調本芳芬西江棹返萍踪合北院停車草色分  
生小性情甘淡泊枇杷花掩碧苔紋

謠啄蛾眉喚奈何座中競唱莫愁歌無言桃李含顰慣  
不測風雲變態多未必深情縈蔓草可堪幽思託微波  
傳聞自古多荒誕牛女誰曾見渡河

九轉腸迴屬阿誰對人歡笑背人悲籠中鸚鵡偏饒舌

卷一

十四

箔上春蠶未吐絲宋玉多情非好色東坡得謗爲吟詩  
碧雲一去無消息愁讓先生獨自支  
蛟渚縈迴自狹斜蝦須掩映綠牕紗芳菲好倩金鈴護  
風雨還須繡幕遮五夜曾經行樂地三春多負及時花  
箇中誰是真情種悵望荒天弔押衙

舟過天門山

鳶鴉啁啾風怒號魚龍出沒浪花高秋蒲半幅挂不得  
飄然一葉在波濤兩山對峙列屏障攔住洪流不肯放  
絆夫用盡力千般手據地下尻在上蕭蕭颯颯涼風生

舟人嘈雜鉦鼓鳴鱗鱗千幅帆如駛舵後濤作風雨聲  
簫管陳琴樽列隱囊閒倚傲飛雪嶂巒回首虛無間亂  
雲橫補天門缺

讀史

兩漢而還見鄧隆六年櫛沐削羣雄九功未許興文教  
七德眞能振武功漫擬東宮同傲弟誰教南府法元公  
諸王都督之藩日嗚咽何緣恨不窮

朝中朋黨未分朋左仗風開社鼠驚可惜司徒營治第  
最憐文士善談兵讀書自恥爲凡王飲酒何能致太平

日暮籌邊樓上望那堪不築受降城

城過問亭看牡丹

園林遙倚石嵯峨萬樹濃陰墮綠莎屋結數間無碍少  
花栽幾種不須多簾開山色雲中見帆趁波光柳外  
過到此頓教無俗累洗塵安用挽天河

蘭砌葳蕤影互遮東風吹放牡丹芽絕無一點寒酸氣  
管領三春富貴花學士詞章何絢爛洛陽家世本豪華  
匆匆別去重回首梅影蕭疎竹影斜

采石磯晚泊和汪鳳巖丈韻

翠蘿山色鬱青蒼  
鳩水縈廻澹渺茫  
繫纜一天吳苑雨  
故人兩共秣陵航  
洲浮遠水蘆飛白  
樹近寒江葉漸黃  
欲訪漁翁話陳迹  
數聲欸乃入滄浪

青溪夕泊

扁舟晚泊任風濤  
兀坐船頭氣自豪  
萬疊好山迎故我  
一天詩意屬吾曹  
雲埋古寺鍾聲出  
木脫空林雁影高  
別有壯懷酬未得  
霜華漸欲上顛毛

哭族兄伯顛

一第成何事才高赴玉樓  
忘年肝膽共風雨看吳鉤

卷一

十六

嫉俗不諧俗歌呼作楚狂  
世人相見笑仰首哭穹蒼  
室有奇書在家無半畝田  
漫教償酒債姑作葬棺錢  
大兒初學步小兒未解語  
便自着麻衣呱呱啼夜雨  
欲作一封書便寄瑤台鶴  
問我故靈運死與生孰樂  
海內知交易天涯知己難  
匣中琴尚不敢向人彈

秋日漫興

征鴻昨夜度瀟湘  
古壁燈青况味涼  
一枕秋聲風似雨  
六更歸夢月如霜  
彎弧曾射南山虎  
挾冊翻亡大道羊  
別有膽肝人未識  
不呼爲怪卽爲狂

性懶不爭雞鶩食。試將踪跡混漁樵。左顧右擁東方朔。  
受粟辭金北郭騷。嘯傲渾忘家。四壁踈狂薄。醉酒三蕉。  
美人芳草悲遲暮。落拓閒居悵寂寥。

富貴曾經悟草頭。此心合斷愛生憂。貧猶可樂原非病。  
酒若能醫豈是愁。開匣有龍皆吼月。登樓無客不悲秋。  
此中別寄真消息。未許凡才畫一籌。

留別方問松磊人諸丈

小院梅花冷。迢迢客夢寒。豬肝思閔貢。雞肋笑曹瞞。計  
我旋歸易。爲君離別難。他時好風月。兩處倚欄干。

不是陽關別。胡爲亦黯然。難忘踈雨夜。相對夕陽天。此  
去無多路。重來又一年。嗟余緣太淺。草草着吟鞭。

補拙山房小集留金星垣午亭叔夜飲之作

梅子陰高雨乍晴。半牕新綠午風輕。蝦鬚簾捲花移影。  
燕尾溪流石有聲。百首新詞裁幼婦。一樽春釀試奇兵。  
今宵莫負當頭月。天上姮娥解笑人。

書感

科頭箕踞意婆娑。腹負吾真奈汝何。一枕黑甜春又晚。  
一簾紅雨落花多。



漫興

壯思風飛碧落寬。水霜滿眼雜悲歡。富原有術工何易。  
貧到無文送更難。抱負可能珠在掌。折磨須用鐵爲肝。  
三更自剪西牕燭。撿點陰符仔細看。  
卧看空庭長綠莎。洗塵無術挽天河。詩因適性無嫌少。  
酒可澆愁不碍多。鏃羽曾悲支遁鶴。慵書翻笑右軍鵝。  
讀書最是人生樂。花月頻教隙裏過。

守懷尉園

浩渺烟波水接天。溯洄宛在屋如船。奇搜蝌蚪三千卷。

卷一

十八

味憶蓴鱸二十年。天上花枝新弟子。人間游戲老神仙。  
柴關岑寂無聊甚。風雨懷人第一篇。

題方坦白觀美人垂釣圖

一樹垂楊一樹春。桃花流水悟前因。濠梁別有觀魚樂。  
不畫漁翁畫美人。

肩隨姊妹日憑欄。愛向清流把釣竿。試問游鱗吞餌未。  
脫鈎容易上鈎難。

莫愁湖

小艇輕橈趁午潮。殘荷聽雨憶前宵。英雄兒女都如夢。

指點青山話六朝

題問亭叔桐陰讀書小照

憶昔從游地桐陰覆屋稠擁書過萬卷此福小諸侯問  
字風清座談經月在樓今朝隨杖履景仰不勝愁

無題

零風斷雨送居諸倚徙迴欄畫閣虛好月多情應照汝  
看花何處不愁余櫻桃巷陌三春晚豈慙風懷十里餘  
日暮江南望江北片雲遙隔美人居

雛鳳曲

卷一

十九

嫋嫋娉娉劇可憐茫茫何處覓釵鈿十年尚有重來約  
一笑曾無再見緣帝子魂應填恨海女媧石不補情天  
天桃命薄尋常事一現曇花更惘然

夜坐漫成

清宵箕踞長松下得此閒身亦大難香靄滿庭雲滿地  
蟾蜍高挂碧欄杆

採蓮曲

六月芙蓉花正開採蓮女郎逐隊來妾家門對江兒水  
一日江頭採一回

娉婷十五似花妍  
女伴招邀唱采蓮  
那管鳳頭鞋瘦小  
一齊爭上採蓮船

臨江一望盡紅粧  
半是東家姊妹行  
多道蓮花顏色好  
儂家總愛藕絲長

晚風蕩漾艇兒開  
短棹輕歌漫不催  
荷蓋綠於雲髮影  
蓮花紅破女兒腮

深入花叢碍繡襦  
粉香花氣兩模糊  
恐驚花底鴛鴦夢  
屢次回頭囑小姑

阿家遠住青山側  
妾在長堤碧水隈  
兩處回頭重告語

明朝各自盪舟來

秋海棠

秋色澹如許  
秋花艷亦秋  
態嬌疑沒骨  
病懶欲垂頭  
看雨懷人淚  
臨風少婦愁  
生前真命薄  
夫婿覓封侯

與鬲園朱歌堂夜話

共擁青燈話寂寥  
隣雞喔喔唱中宵  
布衣幾見稱才子  
金屋何曾貯阿嬌  
清皎月光窺戶牖  
玲瓏花影護牕窠  
十年高臥成何事  
贏得昂藏不折腰

醉卧浮渡仙人牀口占

瑤草琪花憶舊緣，塵寰小住廿三年。石牀高卧誰相識，  
仰見浮雲過碧天。

送李二煦田歸潞河

軸是琳瑯籤，是牙風流端。讓鄴侯家皖江夜，雨迷孤棹。  
銀漢秋風滯，客槎野鶴未盤雲。外路寒梅又放雪，中花  
酒酣孤負真肝膽。慷慨樽前解莫耶。

欄杆十二日頻過，旅邸淒清側突河。往日豬肝情重否，  
近來雞肋味如何。囊空始覺交情淡，客久翻嫌別夢多。  
回首可堪思舊侶，芳情渺渺屬烟波。

卷一

二二

鴉背高寒欲雪天，湖雲如墨水如烟。論文早識君無敵，  
使酒還稱我是顛。話別那堪當歲暮，相知原在未逢前。  
追陪未盡平時意，遮莫春歸在客先。

三載羈留意，不如驪歌競唱。渺愁余燈紅酒綠，叨陪坐  
雲白山青，悵索居萬樹梅花千嶂。雪半肩行李，一囊書  
臨行莫作銷魂色，好整歸裝慰倚閭。

余移家連城曉，贈以詩依韻酬之

歘然四野鬣塵氛，聒耳蛙聲徹夜聞。沽酒十千空醉我，  
買隣百萬孰如君。誰能入世胸羅海，不信垂天翼若雲。

幾度自憐還自慰，深山鹿豕本難羣。  
踪跡雖踈意氣親，等閒都是苦吟身。  
須知棣萼能同調，遠勝梅花作比隣。  
烟柳乍垂鶯語澁，風簾初捲燕泥新。  
晨昏過從無多路，青鳥無煩爲探春。

蓮湖晚渡

平湖一碧接蒼冥，卧看湖山兩岸青。  
怪底榜人爭打槳，殘陽滿樹惜陰亭。

題夢筆生花峯聽客彈琴圖

我聞黃海三十二，高峯峯峯削出青。  
芙蓉白雲瀾漫鋪

如海丹臺千古烟空濛，家距名山三百里。  
時或夢游心竊喜，一峯飛落畫圖中。  
直送山光來眼底，新安居士邈難儔。  
雛鳳相隨老鳳遊，空山寂寂雲匝松。  
風在壑聲颼颼芒屨誰，踏天都頂白雲卧。  
地喚不醒壁峭崖危步所寤，夢筆生花峯小坐。  
瞥見蓮花開萬朶，玉女彷彿跨青鸞。  
雲梯下獻長生果，琴聲忽破山之雲。  
高山流水誰人聞，一徽一柱空冷除。  
却山靈只有君美人窈窕當雲立，含睇手贈生花筆。  
許向蟾宮枝借一筆花，怒發開心上花氣撲琴結遙想我欲攬之。  
不盈掌天風吹墮碧

雲間晃蕩能令山俯仰披圖神頓爲之爽嵐光照眼雲  
氤氳我疑身是圖中人恍如置身四千仞傾聽琴聲至  
入神青天仰見雙白鶴君眞塵中不插脚山自太古琴  
自清依稀簌簌松花落

和友人雨阻重陽登高詩

手捫星河擅賦才重陽風雨合登臺攜琴擬作三年別  
放眼須從五嶽來瑤草琪花供嘯傲烟鬟霧鬢各追陪  
如君真有游山興莫惱家山未舉杯

農父嘆

水漠漠流括括年年禾黍陽侯奪使我耕無田使我居  
無屋衣無袴兮食無粥催租吏又剝啄聲聲怨聲聲哭  
肩荷犁鋤手牽黃犢東市西市往來鬻姑醫眼前瘡那  
管心頭肉朝不得錢暮不得錢倚鋤對憤心茫然回頭  
白浪高拍天吁嗟乎今年水大勝去年

古意

郎種合歡花妾種忘憂草但願憂能忘歡合亦常好  
妾貌紅蓮花郎情碧藕絲花顏有衰日藕絲無斷時

對雪同午亭叔作

風號雪聳撲簾來，促擁紅泥暖綠醅。  
小院梅花三兩樹，夜深相對一時開。

凝堵着樹，總多情漫認春風柳絮。  
輕悵望鶴歸何處，所雪花雲影不分明。

月夜喜伯顛見過

長空清似水，此際正思君。  
籬畔人敲月，花間犬吠雲。  
忽驚能枉駕，差免嘆離羣。  
相對一樽酒，都忘夜已分。

過見山草堂

石畔柴門自閉關，斷橋流水日潺潺。  
烹泉花下留僧坐，移榻松間待鶴還。  
半畝地閒宜種竹，四圍牆矮不遮山。  
於焉自是忘機地，何用燒丹學駐顏。

暮秋寄何大遜求中表

春挂菰蒲出故關，榴開聞已唱刀鐮。  
亭紅楓葉酒帘出，江白蘆花釣客還。  
幽思淡於秋後菊，離愁多似望中山。  
回思風雪旗亭夜，手擘蠻箋付阿鬟。

春日口占

春郊日日着吟鞭，勝事般般到眼前。  
十里紅遮盤馬路，三篙綠上打魚船。  
賣花擔繞雌雄蝶，鬪草人攤子母錢。

如許江南好風景一齊收拾付蠻箋

過莫愁湖感賦

簾櫳漂泊往來潮衰草殘陽易寂寥  
一種湖光誰管領菰蒲瑟瑟雨瀟瀟

遊北極閣歸至舟中作

高閣凌虛入望遙六朝回首黯魂消  
興來不覺歸舟晚月滿蓮華第五橋

鄧嶰雲中丞六十壽詩代曾蔚岩明府作

虎節蜺旌擁上游登臨羊祜自輕裘  
熙朝公望無雙

卷一

一五

品開府詩名第一流淮甸宣春有脚  
江樓坐嘯月當頭回思五褲歌廉日  
竹馬爭迎郭細侯

南陽家世舊登壇江左風流壓謝安  
元老巖疆專節鉞諸郎大筆抗蘇韓  
山青林屋詩千卷水綠秦淮竹萬竿  
更羨階前森玉樹聯翩霄漢已鵬搏

手握詞垣玉尺來春風兩度棘闈開  
十科前輩綵綸掌一品門生將相才  
徧向珠林收翡翠頻移小草種蓬萊  
帝知南國思君爽特遣甘棠到處栽

循行何處不攀轅海宇謳歌治績存  
大別台星曾秉臬



洪都卿月又開籬，兩河災豈徒移粟。三載寃真雪，覆盆捕獲捕逃靖淵藪。天顏有喜沐殊恩。

都講堂開氣鬱葱，諸生羅列坐春風。珊瑚日望生滄海，參朮時教貯藥籠。授簡免園庭霽白，談經馬帳燭花紅。試看桃李公門樹，多是栽培雨露功。

上將觀兵擁纛牙，營開細柳暮吹笳。胸羅虎豹千軍肅，風捲龍蛇大旆斜。滿月一弓穿柳葉，盤雲萬馬試桃花。祇今三楚鯨波靜，刁斗無聲令不譁。

匡山皖水備微員，兩世恩同戴二天。鸞鳳敢云曾接翅，

鹽梅偏許學烹鮮。洪鑪自幸歸陶鑄，大海何繇答細涓。願矢葵心分末照，青雲感激倍當年。

旭日晴開綠野堂，喧闐臘鼓晝初長。西園柳色催春早，東閣梅花壓雪香。天遣郭公增壽考，人思韓絳拜平章。雉羹敬獻賓筵末，願祝彭篋酒一觴。

紀夢

秋八月九日夜夢聽松樓與亡室崔氏夜話樓余讀書所也今已屬他人而婦亡又八載矣昨夜夢之感而賦此

悄悄寒空夜月遲，喁喁絮語綠牕時。人生那得真如夢，滄海桑田總不知。

病中聞三弟函信詩以哭之

驚起難爲語翻疑未必然一聲雙淚落萬里兩棺懸貧  
老難爲力孤孀不我賢寸心殊耿耿未敢達重泉  
每嘆余衰老君歸待恐難纏綿憂訣絕宛轉望團圓反  
覆詞何鑿夷猶計未看人言亦多妄偏此不誣譌  
一事吾憐汝先余見老親有言須慰藉無事不酸辛入  
世都如幻相逢恐未真果能隨杖履泉下十三人  
卅載幾相見翻教永別離君才原不忝家運乃如斯生  
死關河隔幽明夢寐知撫棺思一慟時日向難期

題小芝畫蘭

卷一

二七

瀟湘九畹夢迢遙寫向雲箋趣更饒曾記子諶詞句好  
小窻相對讀離騷

怪石岫嶙竹幹斜清香含露吐紅芽寄言公子須珍重  
不比春風沒骨花

帶雨和烟曉露含孤芳淡影蔭清潭如何根蒂都無着  
灑淚春風弔所南

桃李爭開二月天嫣紅姹紫鬪芳妍幽蘭只合居空谷  
挑向街頭不值錢

示塾中諸子

半畝差容膝蕭蕭竹影斜  
攜鋤誅蔓草種棘護蘭芽  
野鶴雲爲路寒梅雪作花  
夕陽易西下切莫負年華

秋日山居

秋聲何處至淅瀝復蕭騷  
木落山容瘦天寒雁影高  
豪華輸爾輩嘯傲屬吾曹  
把酒東籬下悠然絕市囂

登文昌閣懷胡華衡

閣影枕寒流蒼然爽氣浮  
星辰高可摘山水望中收  
好月皎然出長空無限秋  
素心人不見辜負酒盈甌

題聽松樓壁

半畝園林足自娛  
蘿藤挂壁綠平鋪  
山家不種閒花草  
惟有長松數百株

過石冠堂訪伯顛不值逢天峯上人

堂係從伯祖莘農太史讀書處

怪石立如壁前賢避俗深  
高山誰載酒流水自鳴琴  
意與雲俱懶僧隨月到林  
渾然忘主客姑坐古松陰

渡江

新漲三篙春水綠輕舸如箭  
渡江時晚風楊柳疎斜處  
早見橋南舊酒旗

茶園詩草卷二

桐城張賡謨竹淇撰男熒輯訂 孫宅厚校字

受業

姪孫壽六 曉波  
姪孫式穀 雪峯  
姪曾孫華 海樓  
鑒平

叅訂

題家琴甫龍眠送別圖

龍眠山色鬱蒼柳下驪歌似促裝  
舊雨情殷桐子國望雲夢繞鄭公鄉  
鯉庭趨對衣摳紫鸞掖承恩綬縮  
黃幾度拈毫惆悵甚瀟瀟夜雨憶縱陽

題何海秋我渡我圖

鸞鶴翔雲霄不假飛鳥翼  
騏驎逞天衢豈藉凡馬力  
人生兩大荷頂立乃有我譬如大海中  
獨駕凌風舸茫乎無津涯波濤復掀簸  
不着努力篙倒行疾如筈鬼國介毫釐  
飄落測誠叵黑風其汝吹危乎手之舵  
方寸不波瀾船如天上坐以故達摩師  
一葦渡江可君有濟川才披圖實壯哉  
長風九萬里一棹滄溟開回首我語我  
兩我一靈臺精猛莫疑猜咫尺是蓬萊

七月二日紀事

燭影紅搖劍戟光誰說長箭射貪狼  
恰逢舊雨開新甕

竟踏芒屨過草堂聊藉歡娛消憤懣敢忘人世有滄桑  
高樓百尺醉難上鼾睡姑容卧榻旁

余於方氏園中尋竹可爲杖者以爲扶老計方生  
吳甥以詩紀之爰和以示勗

莫訝琅玕到處搜癯成山水未能休老今杖此增遊興  
定踏天都最上頭吳甥休甯人

高臥元龍百尺樓一觴一詠足風流文章須得江山助  
不是消閑愛遠遊方生自閩浙甫歸

堅節而今更杖之心虛昔已是吾師世途險滑須珍重

莫待顛危始記持

題方若人桐陰課子圖

家積黃金北斗高不如鳳凰之一毛千萬百萬買宅在  
不培謝傅庭階樹仰喬俯梓交枝柯大笑披圖誰覺悟  
屈計君才鬱未舒空山偃蹇混樵漁奇書挂腹三千卷  
有子年今十五餘狡獪初生氣食虎神自暇兮心自苦  
一篇楊柳意纏綿百首梅花何媚嫉果然美玉出藍田  
我爲君歌君起舞時日招之使來前誨之曰居吾語汝  
人生讀書學何事男兒須識忠孝字不然鄭箋孔註徒

搜羅魯魚豕亥空辨訛風雲月露關何事寒木春華庶  
尼多母謂獬豸不識字不學無術之謂何母謂不須求  
甚解先生欺人語則那耳聞目見識心曲今日圖開神  
更屬桂影微分卷帙黃桐陰欲染鬚眉綠老子婆娑興  
復佳甯馨佳兒溫似玉乃父居心何太貪誨竊陳編日  
不足人言丹桂在蟾宮蒼蒼誰與問鴻濛靈臺自有仙  
根蒂只在縹緗一卷中高岡鳴鳥日吟諷以今視昔猶  
夢夢文章鳴盛和其聲鳳兮鳳兮斯卽鳳中庭梧影動  
秋風恍見朝陽滿樹紅雛鳳聲清千仞上桂花香滿一

卷二

三

山中君不見萬頃良田宋鄭樵又不見三世窮經漢桓  
郁傳家之寶在於斯世人妄自求多福

谷吾誕辰賞薔薇極一時觴詠之樂日昨過訪出  
唱酬諸詩以相示余欣羨久之燈下興到依韻以  
和然中心殊以未得叨陪末座爲憾他日招八公  
十叟補祝南山寄語花神勿笑老饕饒吻也

淺綠深紅夜雨催阿連觴詠碧山隈天公獻壽無他物  
特遣薔薇滿架開

綠野堂開延壽杯添籌海鶴影徘徊花神何事偏相妬

不許詩狂入座陪  
庭桂階蘭次第栽三張聲價重三槐如何詠罷霓裳後  
天遣勞勞和韻來  
計日來登百歲台定知北海不空杯江南五月鱗魚美  
不羨松鱸有四腮

雜詠

頗怪三皇時各萬八千歲史紀長九州所爲果何事卉  
木爲之衣果實不知味渾渾悶悶然又萬五千歲有巢  
構木居燧人結繩治天地稱平成唐虞稽古帝母乃皇  
古人不知有死至年復又年年萬事姑擱置樊恐坐因  
循一生誤兩字吁嗟因循兩字最誤人萬八千歲一無  
成

秋望和韻

秋花幽艷草痕腓策杖行吟悵夕暉風急鳥隨黃葉散  
天高雁貼白雲飛顧君蒲柳悲先老張翰蓴鱸正憶歸  
莫聽淒清聲不斷如珪皓月倍光輝

空齋寂坐萬感俱來爰作消閒十二事詩以自遣  
時丁巳初夏也

評史

作史定須才學識異同優劣費平章  
竭來千古興亡事只抵南柯蟻戰場

論詩

秋菊春蘭各有姿詩分唐宋亦猶斯  
須知俗是真凡骨縱有金丹不可醫

讀畫

天然妙手說荆關擬買雲山學懶閒  
某水某山類指點教人也作畫圖看

卷二

五

仿帖

半牕晴日靜無娛漢碣唐碑手自摹  
搦罷莞然翻一笑年年依樣畫葫蘆

蒔花

庭桂階蘭植未成小園移趁雨初晴  
獨憐梅有崢嶸骨未許烏盆過此生

看竹

繁陰交蔭擬篔簹喜見龍孫突過墻  
最是三更風雨惡平安報望黑甜鄉



聽鳥

綠楊隄畔夕陽中。燕喜鶯啼各不同。聽到得過過不得。且過曾不怨天公。

觀魚

涿游南北又西東。子我難知樂與同。切慮親人爲汝喜。江湖滿地是漁翁。  
古詩小魚喜親人可網亦可曾

品香

金猊火撥夜如何。裊裊名香細細過。試到海南推第一。那堪鬚鼻世人多。

試茗

雀舌龍團活火煎。色香氣味各天然。何當共買烟波棹。親試人間第一泉。

問酒

以辣爲上苦爲次。遍問長安總不同。笑我與人殊嗜好。辨清須在不言中。

彈棋

巾角彈棋說五官。丁丁松下一枰寒。算來制勝無奇策。只合從旁負手觀。

和方少江鴛鴦詞

兩兩珍禽睡雙錦翼翔雌雄有烏鳥誰得及鴛鴦  
牛女隔紅牆孀娥鬢有霜神仙儂不羨但願作鴛鴦  
十三學織素便作嫁衣裳箱篋六七十物物繡鴛鴦  
百兩盈門爛低思細細長幾生修到福夫婦似鴛鴦  
羅帳方尋夢紗窻月有光侍兒私笑語被底兩鴛鴦  
儂似博山爐郎似沉水香海枯與石爛儂總作鴛鴦  
作賈知郎賤封侯不願郎驪歌一聲唱飛去一鴛鴦  
小姑未解事學繡依儂房雙飛又雙宿只管說鴛鴦

卷二

七

五色芙蓉帳千金玳瑁床合歡空有枕夜夜伴鴛鴦  
解悶采蓮去花光動水光那堪波影裏七十二鴛鴦  
日落風簾動呢喃語畫梁雙飛不如燕那得比鴛鴦  
儂怎不如鳥含情每自傷天公如作美盡化作鴛鴦

偶作遣懷詩適吳甥亮采以詩至因成後一律

悲歌斫地氣昂藏野馬塵埃鬢已霜所學未成書與劍  
時宜不合簡而狂敢持羽箆頻遮面欲挽江流自浣腸  
聞道桃源風景好屢將消息問漁郎

戢影林泉日閉關門前溪水碧潺湲小園多隙留鋪月

短榻橫支恰對山草長綠隨春意滿花開紅滴雨痕斑  
蕭然偶動閒游興野鶴孤雲自往還

偃蹇空山意不如閉門索句足三餘少曾放犬學周易  
老尚乘牛讀漢書裘馬輕肥甘讓若江山嘯傲渺愁予  
祇今三楚鯨波惡灑酒荒天吊望諸

世人折柬未能招索處誰堪破寂寥宿岫雲非緣太嬾  
閉門月豈怨無聊花間剝啄夢驚蝶袖裏詩篇手射雕  
賴汝洽心時過從不愁風雨聽瀟瀟

汪伯璫自金陵試歸以詩索和依韻酬之

卷二

八

秦淮舊繫木蘭艘自笑洪鐘寸莖撞十載秋風猶故我  
一船明月渡寒江君方負力圖南海余已慵情臥北窻  
欲和琳瑯嗟老拙還愁韻疊又聲雙

月下獨酌放歌

天上無此好明月名士美人寡歡色明月光中無一我  
姮娥孤寂蟾宮坐青蓮對影成三人無言相對強相親  
何不竟呼嫦娥奔月下翩翩其來進一竿敢持此語問  
謫仙當亦大笑呼者若有人兮斧有聲微聞坎坎復  
丁丁仰見桂高五百丈葉葉枝枝碍月明那得清虛無

渣滓軒敞瓊台十二層後有萬年前千古踈踈密密由  
三五譬猶河之沙石海納汗斧以斯之何自苦不如姑  
擲手中斧入我座兮飲我酒嬋娟爲我奏霓裳我歌鳴  
鳴手拊缶一斗一斗復一斗明月在杯杯在手此樂太  
白不知有

書甄后文姬傳後

佳人竟屬中郎將沙漠歸來怨曲終太息二喬眞薄命  
漫誇夫婿是英雄

讀南史

卷二

九

文武才兼孰比肩望陵流涕感枯泉年豐斛米錢三百  
學博搜羅卷百千鸚鵡能歌辭獻使鳳龍盤鑄錮終年  
如何老去思飯佛回首英雄思悄然  
寄奴曾斬大蛇來叱咤風雲孽霧開執筆甘心爲草詔  
長刀殺賊立留臺耕田耒耜昭來許生子屠沽恨不才  
賴有車兒能繼業休龍不碍手中杯  
南行捨業不爲儒攬鏡何緣鑷白鬚豈必建康過魏武  
早聞嵩嶽應天符箭加腹上蒼梧笑刀拔牀前直閣呼  
爲問蓮花生步步黃金土價果同無

回首齊梁迹已陳  
幃盤瓦缶總灰塵  
宮中五佞工便僻  
膝上三妃巧笑頻  
昏飲燭光搖玉樹  
分箋花氣罨臨春  
晉王擐甲緣何事  
不爲江山爲美人

金陵雜感

北固維舟落日斜  
江樓譙櫓暮吹笳  
渡江那復歌桃葉  
沽酒人猶問杏花  
古巷夕陽悲舊宅  
高樓明月又誰家  
最憐幾樹台城柳  
猶自依依噪暮鴉

望中盤踞猶龍虎  
水上樓台自管絃  
洶湧大江南北限  
崔嵬雙闕畫圖懸  
淒涼吳苑埋荒草  
嗚咽蠓磯泣杜鵑

無限蒼茫千古事  
六朝山色落樽前

書淮陰侯傳後

漂母哀王孫  
姁娥烹走狗  
拙哉淮陰侯  
生死婦人手

池上

樹影倒池水  
浮萍奈散何  
春風颯然至  
吹綠聚爲波

夜步

仰天忽發笑  
欣然若有得  
相對月無言  
鶴警露華白

秋夜曲

羅帳生微涼  
簾櫳月如霜  
丈夫事從軍  
彎弧適遠方  
遙

遙隔千里音書滯白狼歸期楊柳青而今葉已黃封侯  
妾所願兒女情難忘絡緯在大野蟋蟀鳴中堂落葉聲  
蕭蕭使妾心憂傷秋風如有意吹夢到漁陽

花朝詞

嫩晴天氣午風柔深巷錫簫去路悠昨夜一簾春雨足  
杏花紅破小山樓

游春士女袂相連萬紫千紅二月天忙煞東隣小兒女  
家家都辦買花錢

亮采昆仲賦詩納涼致足樂也依韻和之

清思滌煩暑梧碧罨荆庭共對月如水高談塵撲螢尋  
涼能若是此樂未曾經昨我荷池上花香葉葉青

秋日野望

庭院過秋雨涼生杖屨間清泉鳴絕壑落木響空山行  
到孤松下佇看野鶴還回頭殘照裏牛背笛聲閒

吳省亭招飲夜話

雲氣四山合躡蹻着屐來雨隨楓葉下菊對酒人開座  
有東南美時誰管樂才臚傳消息好拚醉莫辭杯  
青衫痕潑酒紅燭夜談棊得馬焉知日聞雞起舞時手

誰稱霹靂心應捨慈悲狂喜難成寐長吟不自持

落雁亭

秋水平湖淡渺茫  
化離士女泣殘陽  
空亭落木風蕭瑟  
不聽哀鴻已斷腸

皖江懷古

彎弧此地射蛟還  
漢武旌旗指顧間  
芝草九莖生漢殿  
蒲桃萬里入秦關  
空中棗脯仙人閣  
望裏金銀海上山  
到底英雄能悔過  
輪台一詔淚潛潛

終隱匡廬計頗工  
楊旁鼯睡豈能容  
上書已自稱唐主

卷二

十一

把酒何堪對皖公  
白水漑屯憐散騎  
碧衣染采讖深宮  
阿誰偏問卿家物  
回首江南似夢中

分統淮南一旅師  
四圍羣盜力難支  
裹瘡百戰孤忠在  
爭死全家一水知  
可笑朱三真老賊  
始知南八是男兒  
墓門風雨濤聲壯  
想見提戈赴獻時

可惜潛龍竟在淵  
飛來燕子自翩翩  
小姑祠畔貞留石  
羅刹磯頭浪拍天  
上下潮通家與國  
興亡恨了海成田  
低徊無限淒涼意  
剩有漁舟唱晚烟

丁巳除夕

今夕又除夕光陰箭在弦滄桑餘白髮鷹狗憶青年竊  
恐古人笑不爲今所憐七旬數未買自笑是何緣

同吳理堂胡小東游浮山小憩華嚴寺之作

怪石浮嵐開萬竅三杯軟脚氣難降客尋黃葉三叉路  
座湧紅蓮七寶幢雲外鶴聲飛一一波間鷗影浴雙雙  
蕭然揮塵清談洽寄語林鐘且莫撞

三賢祠題壁

古木荒祠近水隈凌虛塔影臥蒼苔庭前松竹陰猶在  
都是先人手自栽

卷二

十三

鼯鼯竄瓦鳥輻輳百尺長松繞屋稠滿地落花人迹少  
苔痕綠上藏經樓

佛閣風清翻貝葉蜂臺剝落妙蓮花老僧睡起渾無事  
晨鼓三鼕懶不撻

乞上菩提大願船皈依佛座不叅禪阿難十八應相笑  
抱膝空山又一年

遊齊山

春水平堤綠垂楊夾岸分長松高立鶴亂石疊生雲亭  
冷殘陽影碑封積蘚紋東南回首望烟火入蒼雲



南麓莊同方槐鼎何子陵何伯求諸中表夜話

良夜迢迢夜語親乾坤贏得此閑身開樽風月類爲主  
平地風波最怕人未必桃花真薄命誰言孺子不長貧  
酒酣試挽天河水一洗胸中萬斛塵

春郊

春風白袷意飄然莫謾愁沽自有錢一路飭簫風送暖  
酒香花氣撲吟鞭

夜坐

清宵箕踞長松下得此閒身亦大難香靄滿庭雲滿地

卷二

十四

蟾蜍高挂碧欄干

江樓懷人

遶郭青山鎖暮烟當樓江水碧漪漣野航吞浪泊低岸  
小鳥橫波飛上天一抹晚霞紅樹外幾重海氣白雲邊  
故人別去無消息獨倚危欄思渺然

短歌行贈嘯巔弟

飲酒讀書境不惡天許閑身寄林壑宋五坦率次公狂  
閒如沙鷗瘦如鶴欲爭萬里功手不能開六石弓欲究  
書三品夜未夢授五色錦俯仰乾坤七尺身明月三杯

風一枕五千拄腹氣凌雲吾弟風流卓不羣大著力追  
韓吏部長吟高壓鮑叅軍十載蘇門鱸膾戀風雲指顧  
鯁鱗變如何同里復同時未得相親又相見問亭招坐  
明月光高談縱酒分幾忘退棄老成真不我深知小阮  
本非狂鬪能詩兼愛酒臨老評花還謔柳余時酒膽  
放花前巢更詩心仙醉後春風流水送年華老輩凋零  
實可嗟寥落琴樽名士酒癡涼裙屐美人家談經席冷  
生春草問字亭空噪暮鴉剩有閒愁澆竹葉更無知己  
是梅花鳥欲啼兮花欲哭天遣君歸懣幽獨布帆無恙

喜般君知我此生感鮑叔人生會合數難明不使睽離  
不覺親敢有閒情狎魚鳥不須名字動公卿論文兄弟  
兼師友過從杯盤迭主賓華燭欲爇酒未闌傾顧四座  
忽不歡聰明富貴人非易僥倖功名事亦難君不見維  
摩才調壓劉曹可憐也唱鬱輪袍又不見凌雲作賦奏  
天子狗監貲郎亦可恥枉尺尋直宜可爲古往今來只  
如此我鬢欲皤君顏正酖生無媚骨潦倒合那盡所當  
爲者而無深論乎其他

病起坐桂花樹下看月

四山空碧松杉秋哀蛩遍野聲啾啾遠山修眉橫一角  
須臾銜出水晶毬卧疴空林四月久不識太虛復何有  
關心我欲問姮娥依舊霓裳羽衣否青天皎皎浮雲開  
婆婆桂影護瑤台中有仙人持玉斧仰見笑倒山之隈  
丁丁許許何爲哉天衢雲路何坎坷干載相逢亦故我  
多金樂死屠沽兒抱玉泣殺荆山跛呼童酌我金叵羅  
頓足起舞揚袂歌箇中凸凹何太多今我不樂將如何  
花間明月無今古圓缺升沉自三五花下詩人有古今  
花間看月誰爲玉人生難得是閒身不愛繁華不厭貧  
願得一杯常在手年年老作看花人

喜雨行

嶺上白雲披絮帽村農赤蹠兩脚淖荷鋤來自水聲中  
口未開時顏先笑昨望雨脚南山隈空中側聽般其雷  
三更伏枕眠未穩雨點忽挾風俱來忽憶東偏屋角破  
纍如貫珠散如唾暗中摸索挽銀河智等挈瓶誰能那  
電光雷鼓雨傾盆隣婦蒸葶喃罵終日欲雨雨偏晴  
兩月不雨雨忽夜是時流水聲浪浪我思導流入陂塘  
索火呼童嬾不起開門雲黑天無光今朝循行遍阡陌

水滿四澤何汪洋南山有菽粟西疇有稻梁十日不雨  
厥土赤三日不雨其葉黃芄芃何青田中黍陰陰何綠  
牆上桑譬如久撻消渴疾吸甘露兮飲瓊漿又如貧兒  
竟暴富千斯倉兮萬斯箱我聞此語仰天笑徐言昨宵  
醉卧殊清涼

古山茶行并序

黃華寺有山茶花一株大可數圍高蔭一畝相  
傳爲唐時舊物詩以咏之

春事已過十之九花神大有回天手望中一樹曼陀羅

花開直到酴醿後空山流水梵王宮禪房之側墻之東  
模糊醉眼看難定錯疑桃李笑春風是否杜宇三更血  
灑作枝頭萬點紅老僧指點向余說幹本凌霄傲霜雪  
梅爲伴侶竹爲隣色是珊瑚心亦鍊傳開天寶又開元  
紅玉光堅磨不滅我聞此語心鬱佛箇中呵護有鬼物  
不然沉香芍藥可憐人一枝穠艷委香塵又不見隋堤  
千株萬株柳嫋娜青青今在否我生唐後千餘年曠世  
偏與花爲緣仰見萬花灼灼然宛如火齊光的爍盤龍  
吐向空中落又如瑤池阿母綺筵開青玉案列紫霞杯

坡公以之比兒女我欲爲之一雪恥金粉不施那類此  
劫歷千年耐歲寒非豪非惡顏渥丹三春紅紫凋零盡  
滿地胭脂不忍看花花葉葉尙如斯花下詩人鬢已絲  
羨他開落無今古人世滄桑總不知

輓鬪園詩

多少名流拜下風醇醪飲我味偏濃十年宦况同江水  
一代詩名繼海峯北部烟花悲舊曲南樓風月憶游踪  
傷心老輩凋零盡自剪西牕蠟燭紅

同問花仙吏過許氏舊宅感贈可人女校書

卷二

十八

翠翹珠珮壓盤鴉蛺蝶裙團五色霞薄命自憐同柳絮  
前身誰識是梅花芙蓉屏外高燒燭鸚鵡籠中巧喚茶  
風景依稀憶疇昔桐陰掩映綠窻紗  
飛瓊舊宅傍垂楊多事東風嫁海棠滿逕苔痕春寂寞  
清宵鈴語太郎當燕環未許分肥瘦增減何須較短長  
到底烟花留有種還須努力作鴛鴦  
新婦忝軍恐未眞嬌癡甘受阿娘嗔千金儘賣當筵笑  
九死難忘鏤臂盟柳葉和煙愁有態梨花帶雨淚無聲  
世人那識眞情種只羨黎渦百媚生

好惡姻緣一刹那滄桑轉瞬隙駒過從來艷福難消受  
自古名花易折磨子建何年忘洛水天孫終古恨銀河  
鍾情我輩誰爲最司馬青衫濕更多

世路

世路崎嶇強自支茫茫回首欲何之封侯骨相談何易  
致富奇書購已遲老我光陰詩卷在問天心事酒杯知  
最憐羽鏃凌霄鶴獨步蒼苔飲啄時

蜃樓海市望中懸飛到蓬萊豈偶然自識科名非學問  
人言富貴卽神仙沈淘瓦礫原居後颺簸糝糠反在前

千古憐才輸賀監長安誰識李青蓮

生來情性愛烟霞松竹寒梅度歲華鏡裏自驚頭欲雪  
夢中猶戀管生花以珠彈雀謀誠誤洗垢求癩事可嗟  
休問廬山眞面目橫空駿鬣亂雲遮

峩冠長劍倚遙天天上浮雲態萬千乳犬居然思噬虎  
野狐何術變爲仙有人骯髒惟鋤菜笑我窮愁欲學禪  
燕石隋珠惟所寶千秋悵望總淒然

箇中眞僞倩誰分月旦評來不可聞瓦犬人誇能吠月  
石牛自許任耕雲殺殘竹葉非爲學踏過槐花便算文

俯仰笑余何足論管城老秃中書君  
人世泉刀推重寶圖書奎璧是文星敢爲小惡神其相  
欲療眞愁藥不靈司馬家貧還善病伏生年老尙傳經  
清宵萬感來心上冷雨淒風枕畔聽

環山樓主人觴客看雨後牡丹各以詩悼爰依韻

寄和

薄洗鉛華怨夕陽一樽相對覺郎當看花偏少今春福  
縱酒誰如舊日狂艷減遙憐嬌露骨詩成應許字分香  
不知誰是青蓮筆放眼千秋獨擅場

卷二

二二

谷吾過莊歡言昆季讌賞桃花之樂並誦所作詩  
歌率成四章和之

薔薇讌賞憶當年盛事今春又少緣花好未陪桃李宴  
詩來恍到綺羅天紅塵紫陌看無恙帶雨臨風我亦憐  
莫羨天台說劉阮箇中觴詠卽神仙

金谷園中明似錦元都觀裏燦如霞無端忽被封姨妬  
有客空將羯鼓搗燕麥免葵思徃昔王姬公子憶穠華  
知余別有傷懷事未許來看薄命花

多恨多愁亦枉然君眞曠放度翩翩醉拚白髮偎花裏

歌任紅衣唱席前占住東皇春九十笑集西母歲三千  
遙憐雅叙天倫樂羣季才皆似惠連

一簾紅雨易黃昏延佇長吟日涉園事已輸君同解恨  
花如憶我應無言偶因沽酒猶過市聞說尋芳豈閉門  
相約明年當此日杖藜來訪武陵源

月季花

松陰竹鬣少餘地一架繁英艷比霞自是天公憐寂寞  
教余飽看四時花

嫣紅姹紫門豪華擬此都如頃刻花日賺主人開口笑

卷二

二二

非關羯鼓月三拋

主人日日醉憑欄花好誰能月月看何事色香能耐久  
不誇富貴不寒酸

陶菊林梅夙有緣更憐瘦客不余捐縱教小別無多日  
豈似重開又一年

蟾宮桂樹春奚似瑤島桃花秋若何萬朶交柯香不斷  
傲他阿母又姮娥

從無一月不相親紅紫由他色色新葇莢生階稱瑞草  
此花端合號長春



淺紅低亞透牕紗，點綴空山處。士家小院欄干十二曲，  
擬栽一曲一叢花。

過聽松樓感賦

到門踏遍落花紅，衰草離離夕照中。寄語啾啾籬畔犬，  
十年前是主人翁。

蟪蛄在戶鳥輻輳，萬壑松聲滿院秋。一榻一棊香一縷，  
此間舊是讀書樓。

楊柳絲絲整復斜，湖光清漾碧窻紗。當年一片團圓月，  
曾照愁人看藕花。門臨湖水蓮花甚盛，今則一泓清水而已。

切切秋蟲繞砌鳴，西廊斜轉月光明。老松似解人愁甚，  
也向樓頭作恨聲。

囊琴匣劍遷移日，松竹梅花入券時。一事到今猶抱恨，  
模糊賣却壁間詩。



212